

Snæfellsbær
Klettsbúð 4
Snæfellsbær

Reykjavík, 28. október 2020
UST202009-284/P.V.B.
09.07.01

Efni: Umsókn um leyfi til framkvæmda innan þjóðgarðsins Snæfellsjökuls

Umhverfisstofnun hefur mótttekið umsókn Snæfellsbæjar, dagsett 29. september 2020, um leyfi til framkvæmda innan þjóðgarðsins Snæfellsjökuls.

Þjóðgarðurinn Snæfellsjökull er friðlýstur sbr. reglugerð nr. 568/2001. Hvers konar atvinnustarfsemi og samkomuhald er óheimilt í þjóðgarðinum nema til komi sérstakt leyfi Umhverfisstofnunar, sbr. 17. gr. reglugerðarinnar. Mannvirkjagerð, efnistaka og hverskonar annað jarðrask er óheimilt nema til komi sérstakt leyfi Umhverfisstofnunar, sbr. 18. gr. reglugerðarinnar. Rannsóknir á náttúrufari og menningarminjum í þjóðgarðinum eru háðar leyfi Umhverfisstofnunar sbr. 20. gr reglugerðarinnar.

Lýsing verkefnis:

Sótt er um leyfi til lagningar ljósleiðara frá mörkum þjóðgarðsins, að norðanverðu, að Gufuskálum. Ljósleiðarann á að leggja í vegöxl Útnesvegur (vegnúmer 574). Ljósleiðarann á að leggja sunnan við veginn frá mörkum þjóðgarðsins að Gufuskálum þar sem hann þverar undir veginn og færast fjær veginum að byggingum við Gufuskála þar sem hann verður lagður austan við byggingar á svæðinu. Um er að ræða áður raskað svæði frá því raflagnir voru lagðar í jörðu fyrir nokkrum árum. Kort sem sýnir þá leið sem verður farin fylgdi með umsókn. Að verkinu koma tveir til fjórir starfsmenn. Ráðgert er að verkið hefjist 1. nóvember 2020 og taki eina til tvær vikur.

Áhrifamat:

Umhverfisstofnun metur verkefnið ekki líklegt til að hafa neikvæð áhrif á verndargildi svæðisins. Framkvæmd fer fram á áður röskuðu svæði og ef skilyrðum leyfis er fylgt ættu áhrifin af framkvæmdinni að vera óveruleg.

Skilyrði:

Umhverfisstofnun veitir Snæfellsbæ fyrir sitt leyti leyfi fyrir lagningu ljósleiðara innan þjóðgarðsins Snæfellsjökull sbr. lýsingu hér að ofan á tímabilinu 1.-30. nóvember 2020 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.

- Þar sem þörf er á að fara út fyrir veg skal þess gætt að valda sem minnstu raski og fjarlægja öll ummerki um athafnir utan vegs að verkefni loknu.
- Einungis skal aka vélknúnum farartækjum vegna framkvæmdarinnar að og innan skilgreinds framkvæmdarsvæðis. Afmá skal öll hjólför utan vega að framkvæmdum loknum.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Öll vinnutæki þurfa að vera hreinsuð áður en þau koma inn á svæðið, til að koma í veg fyrir innflutning á ágengum tegundum frá öðrum svæðum.
- Tryggja skal að plógurinn skeri bara svörðin en kuðli honum ekki saman þar sem farið er yfir gróðurlendi.
- Virða skal umgengnisreglur sem gilda um svæðið.
- Forðast skal óþarfa rask og stærð framkvæmdasvæðis skal haldið í lágmarki.
- Vandað verði við frágang eftir að verki lýkur.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Þar sem gróðri er raskað skal staðargróður nýtur til endurheimtar.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi landeigenda og/eða sveitarfélags gæti þurft fyrir verkefninu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst



Elín Björg Ragnarsdóttir
sviðsstjóri



Jón Björnsson
þjóðgarðsvörður